



**Broj: 10/1-38-4674-9/17**  
**Tuzla, 3.1.2018. godine**

Na osnovu Zaključka Skupštine Tuzlanskog kantona (broj: 01-02-593-4/17 od 29.12.2017. godine), Ministarstvo obrazovanja i nauke Tuzlanskog kantona, utvrđuje

### **PROGRAM**

#### **javne rasprave o Nacrtu Zakona o izmjenama i dopunama Zakona o predškolskom odgoju i obrazovanju**

1. Vlada Tuzlanskog kantona, na sjednici održanoj dana 21.11.2017. godine, utvrdila je Nacrt Zakona o izmjenama i dopunama Zakona o predškolskom odgoju i obrazovanju, nakon čega je isti dostavila Skupštini Tuzlanskog kantona na razmatranje i usvajanje.

2. Zaključkom (broj: 01-02-593-4/17 od 29.12.2017. godine), Skupština Tuzlanskog kantona prihvatila je Nacrt Zakona o izmjenama i dopunama Zakona o predškolskom odgoju i obrazovanju i konstatovala da isti može poslužiti kao osnova za izradu Prijedloga Zakona, sa stavovima i primjedbama na Nacrt Zakona koje su izložila radna tijela i poslanici na sjednici Skupštine, te zadužila Ministarstvo obrazovanja i nauke da provede javnu raspravu, u trajanju od 30 dana, da sumira rezultate javne rasprave i sačini izvještaj koji će dostaviti Vladi Tuzlanskog kantona i poslanicima Skupštine Tuzlanskog kantona uz Prijedlog Zakona.

3. Imajući u vidu naprijed izloženo, Ministarstvo obrazovanja i nauke Tuzlanskog kantona upućuje u javnu raspravu Nacrt Zakona o izmjenama i dopunama Zakona o predškolskom odgoju i obrazovanju sljedećim subjektima:

- Ministarstvo za rad, socijalnu politiku i povratak Tuzlanskog kantona;
- Ministarstvo zdravstva Tuzlanskog kantona;
- Pedagoški zavod Tuzlanskog kantona;
- Kantonalna uprava za inspeksijske poslove Tuzla;
- Gradsko vijeće Tuzla;
- Općinska vijeća: Banovići, Čelić, Živinice, Sapna, Dobož Istok, Gračanica, Kalesija, Gradačac, Kladanj, Lukavac, Srebrenik i Teočak;
- Svim javnim i privatnim predškolskim ustanovama na području Tuzlanskog kantona;

4. Zadužuje se Kantonalna uprava za inspeksijske poslove Tuzla da posebno razmotri važeća materijalno-pravna i procesna rješenja sadržana u važećem Zakonu o predškolskom odgoju i obrazovanju i predmetnom nacrtu, te Ministarstvu obrazovanja i nauke Tuzlanskog kantona dostavi primjedbe, prijedloge, sugestije i mišljenja u dijelu koji se odnosi na provođenje inspeksijskog nadzora i drugih segmenata sadržanih u zakonu bitnih za odgovarajuće provođenje inspeksijskog nadzora u oblasti predškolskom odgoja i obrazovanja.

5. Svoje primjedbe, prijedloge, sugestije i mišljenja učesnici javne rasprave dostavit će Ministarstvu obrazovanja i nauke Tuzlanskog kantona u roku od 30 dana od dana utvrđivanja Nacrta Zakona o izmjenama i dopunama Zakona o predškolskom odgoju i obrazovanju od strane Skupštine Tuzlanskog kantona, na adresu Muhameda Hevajija Uskufija br. 1 – Tuzla.

#### **Javna rasprava traje do 28.1.2018. godine.**

6. Po isteku roka iz tačke 5. ovog programa, organizovat će se rasprava na Okruglom stolu, te sumirati rezultati javne rasprave i sačiniti izvještaj o provedenoj javnoj raspravi, nakon čega će Vlada Tuzlanskog kantona utvrditi Prijedlog Zakona o izmjenama i dopunama Zakona o predškolskom odgoju i obrazovanju i isti uputiti u dalju skupštinsku proceduru na usvajanje.

7. Rasprava na Okruglom stolu održat će se u prostorijama Ministarstva obrazovanja i nauke Tuzlanskog kantona ili na drugoj odgovarajućoj lokaciji, o čemu će svi zainteresovani subjekti biti obaviješteni putem internet stranice Vlade Tuzlanskog kantona ([www.vladatk.kim.ba](http://www.vladatk.kim.ba)) ili internet stranice Ministarstva obrazovanja i nauke Tuzlanskog kantona ([www.monkstk.ba](http://www.monkstk.ba)).

8. Tekst Nacrta Zakona o izmjenama i dopunama Zakona o predškolskom odgoju i obrazovanju može se preuzeti na internet stranici Vlade Tuzlanskog kantona ([www.vladatk.kim.ba](http://www.vladatk.kim.ba)) ili internet stranici Ministarstva obrazovanja i nauke Tuzlanskog kantona ([www.monkstk.ba](http://www.monkstk.ba)).

